

Er soll dich bey nacht erwurgen. Nun dieses inn das werckh zueseczen, so mache dich daruber, schlage alle andern gedanckhen auß, vnd bilde dir daß so du im Sinn zueschreiben hast, starck ein, darnach R. [rücke] dein Tafell fur dich, vnd sprich die abgesetzte beschwerung 4 mal, auf die vier ort der welt, wann du nun recht mit [101r] vmbgehest, so werdenn die Engell dir erscheinen, vnd dich lernen, vndt vnterrichten ein solches vnd dergleichen gesang zue Componirn wie folgt,⁶

Folget das Gesang

[S. 261 Abb.] hiet dich for deinem diener hansen dan er sol [101v] dich bey nacht erwirgen

Wann du nun dieses gesang⁷ hast, alßdann leg deine Tafell von dir vndt beurlaub die Engell mit gemeiner danckhsagung, biß du dern wieder bedurfftig bist, das gesang vberschicke dem, so du warnen wilt, entweders allein oder mit 4 oder 5 Stimmen Componirt zu, mann mag auch fur ein Text da- [102r] runder richten vnd setzen, was mann will geistlich vndt weltlich. Alßbaldt er das empfalet, nimbt er seine Tafell. Dann er eben dergleichen Tafell mit denn Engelln vndt namen der Noten gleich wie du haben must vndt die Conjunction oder beschwerung, so wol können vndt wissen alß du fur sich. vnd spricht die Conjunction, mit strackher Intention ebenmeßig, wie du gesprochen hast, gegen den vier orten der Welt, so erscheinen Jhme die Engell so ers recht sennndt mit verstanndt beschwert williglich, vnd eröffnen Jhme denn verstanndt deß gesangs von wort zue wort also: Hut dich vor deinem diener Hansen, dann Er soll dich bey nacht erwurgen. Wann nun solches beschehen thut er seine Tafell von sich vndt beurlaubet die Engell wie du gethan, biß er Jhr wieder bedarff. Da aber ein vnuerstendiger oder vnerfahrner dieser kunst solche tafell vndt conjunction gleich bekäme, vndt sich dern gebrauchen, keinen glauben zustellen solte wurden sie Jhme nit erscheinen noch gehorsamb sein, Vndt also damit nichts ausrichten, Diß ist ein schönes geheimes stuckh so Jch selbst, nach vieler muhe, [103r] durch hülff dieser Engell, (deren Jch mich von Jugent auf gebraucht) erfunden, Vndt damit sie einen andern so wol alß mir gerne gehorsamen (dann es guete vndt nit böse Geister sein, gebrauchen kan vndt mag) so hab ich die Conjunction, darinnen die Namen der Engel sein, wie auch die zwo Noten daruber ein ieder Engell regirt, die erst neben, die ander ob dem Täfelein, iederman zue guetem hierhero gesezt, vndt so es einer 2 oder 3 mal recht gebraucht, vndt die Engell seiner gewonen, darff er die Conjunction nicht mehr [103v] sprechen, oder dem sich gebrauch^{en}, sondern sie werdenn Jhm ohne die Conjunction gern dienen vndt zue seinem werckh so oft er will verhülfflich vndt willig sein,

Wolle derowegen ein Jeder sich deßen zue gueten, vndt nicht zue bösen gebrauchen, damit er nit von Gott dem Allmechtigen gestrafft werde.

vera Deo Semper, tribuatur gloria vero mppria^A

T a Textverlust am Rande. Folgt zusätzliches damahls